

JAVNA DEBATA „U SUSRET OLIMPIJSKIM I PARAOLIMPIJSKIM IGRAMA“ Sarajevo, 21.05.2012.

PAR RIJEČI O OLIMPIJSKIM IGRAMA

Olimpijske igre su veličanstveno sportsko takmičenje koje se održava svake četiri godine. Pogrešno je nazivati ih i Olimpijade, jer Olimpijadom je u staroj Grčkoj nazivano razdoblje između dvije olimpijske igre. Ispravan i službeni naziv nekih Olimpijskih igara, npr. Igara 2004. godine u Ateni glasi: "Igre XXVIII. Olimpijade modernog doba". Te igre, u Atini 2004. godine, ustvari nisu 28. Olimpijske igre (od Atene 1896. godine do danas) - koje su održane - nego "tek" 25. Zato jer Igre VI, XII i XIII Olimpijade modernog doba, koje su trebale biti održane u Berlinu 1916., Helsinkiju 1940. i Londonu 1944., zbog Prvog ili Drugog svjetskog rata, nisu održane.

Olimpijske igre su oživljene krajem 19. vijeka djelovanjem francuskog humaniste i baruna Pierre de Coubertina. Prve Olimpijske igre modernog doba (nisu imale prefiks "ljetne", jer tada još nije bilo spomena o potrebi održavanja posebnih, Zimskih olimpijskih igara), održane su 1896. godine u Ateni, i od tada se održavaju svake četiri godine osim u vrijeme Prvog i Drugog svjetskog rata. Pošto se ubrzo ukazala potreba za jednako kvalitetnim natjecanjima u zimskim sportovima, uskoro su održane i prve Zimske olimpijske igre u Chamonixu, Francuska, 1924. godine.

Zimske su se Olimpijske igre održavale kao i ljetne, svake četiri godine, iste godine, zaključno do 1992. godine i Igara u Albertvilleu u Francuskoj, kada je, zbog brojnosti, ali i zbog zahtjeva moćnih TV kuća odlučeno da se razdvoje termini održavanja ljetnih i Zimskih igara, pa su prve iduće Zimske olimpijske igre održane 1994. godine u Lillehammeru u Norveškoj.

Inače, čuveno olimpijsko geslo „Citius, altius, fortius“ (brže, više, jače), koje je ustvari postalo moto Olimpijskih igara nije, kako bi neko pomislio, ostalo iz starog vijeka, nego je to u svom govoru, prilikom osnivanja školskog sportskog društva u školi u kojoj je bio direktor, izrekao prijatelj barona de Coubertina, otac Henry Martin Didon. I geslo **“Važno je učestvovati, ne pobijediti”**, koje se, pripisuje samom baronu de Coubertinu, također je "autorsko djelo" jednog crkvenog čovjeka – u propovjedi na misi za sudionike Olimpijskih igara u Londonu 1908. godine. To je rekao pensilvanijski biskup Ethelbert Talbot.

Najpoznatiji simbol su Olimpijski krugovi. Ovih pet međusobno povezanih krugova predstavlja jedinstvo pet (naseljenih) kontinenata (Afrika, cijela Amerika, Australija, Azija i Evropa), a boje tih krugova (s lijeva na desno: plava, žuta, crna, zelena i crvena) izabrane su zato jer svaka država svijeta ima na svojoj nacionalnoj zastavi bar jednu od tih boja. Olimpijski se krugovi nalaze i na Olimpijskoj zastavi koja se podiže, vijori i spušta prilikom otvaranja, trajanja, odnosno zatvaranja Olimpijskih igara. Olimpijski su krugovi prvi puta predstavljani, a olimpijska se zastava prvi put zavijorila na Olimpijskim igrama



u Antverpenu, 1920. Olimpijski plamen gori sve vrijeme održavanja Igara. Olimpijski plamen pali se u grčkoj Olimpiji, i to ne bilo kako, nego sunčevom svjetlošću uz pomoć konkavnog zrcala. Zatim tako nastali plamen na Olimpijskoj baklji nosi hiljade trkača, štafetno, preko svih kontinenata, do grada u kojem će se održavati Olimpijske igre i, na kraju, do istaknutog mjesta na Olimpijskom stadionu na kojem će plamen, upaljen u drevnoj Olimpiji, plamtjeti sve vrijeme održavanja Igara.

Prvi je put plamen na otvaranju nekih Igara upaljen na Olimpijskim igrama u Amsterdamu, 1928, a način štafetnog (pre)nošenja plamena bakljom inauguriran je u sklopu priprema i otvaranja Olimpijskih igara u Berlinu, 1936 godine.

PAR RIJEČI O PARAOLIMPIJSKIM IGRAMA

Paraolimpijske igre su danas elitni sportski događaj za sportiste iz 5 različitih grupa invaliditeta i cilj im je isticanje sportskih postignuća, umjesto invalidnosti. Događaj je iznimno narastao od svojih prvih dana. Broj sportista koji sudjeluju u Paraolimpijskim igrama je porastao s 400 iz 23 države u Rimu, 1960. godine, na 3806, iz 136 država u Ateni 2004. godine i do danas taj broj raste.

Paraolimpijske igre se uvijek održavaju iste godine kao i Olimpijske igre. Od Paraolimpijskih igara u Seoul-u 1988. godine i Zimskih Paraolimpijskih igara u Tignes-Alberville-u 1992. godine, održavaju se i na istom mjestu natjecanja, kao i Olimpijske igre. Određeno je da od 2008. godine, pa nadalje, grad domaćin Olimpijskih igara udomaći i Paraolimpijske igre.

Danas se teži tome da Paraolimpijske igre privuku jednaki javni interes kao i Olimpijske igre. **Igre u Londonu 2012. su najavljene kao najizjednačenije u povijesti.**



PAR RIJEČI O OLIMPIJSKOM PRIMIRIJU

Olimpijsko primirje je razdoblje mira i prekida sukoba između grčkih polisa u drevnoj Grčkoj. Ime "olimpijsko" dobiva jer stupa na snagu početkom Olimpijskih igara, i traje do kraja Igara. Za vrijeme tog primirja, prekidaju se sve vrste sukoba između polisa, svi ratovi, nemiri i svađe.

Tradicija iz drevne Grčke koja je nalagala prekid neprijateljstava tokom održavanja Olimpijskog takmičenja ponovo je zaživjela 1993. godine od kada pred zimske i ljetne Olimpijske igre Generalna skupština UN-a usvaja deklaraciju o primirju.

Igre u Londonu ove godine imaju poseban značaj. 17.10.2011. godine 193 zemlje članice UN podržale su rezoluciju. Kao i u antičkoj Grčkoj, sva neprijateljstva će se prekinuti tokom trajanja Igara. Cilj ove rezolucije je promoviranje sporta kao oruđa mira, pomirenja i dijaloga.

"Nesvakidašnji nivo suradnje i razumijevanja je veliko svjedočanstvo važnosti primirja i Olimpijskih igara u vremenu globalnih izazova", rekao je u obraćanju Generalnoj skupštini predsjednik Organizacionog odbora OI u Londonu i osvajač zlatne Olimpijske medalje Sebastijen Kou.

Najveći doprinos potpisivanju rezolucije i podizanju svijesti o značaju olimpijskog primirja dao je Lord Michael Walton Bates. On je u okviru svog projekta podizanja svijesti o Rezoluciji Vijeća sigurnosti Ujedinjenih naroda o poštivanju Olimpijskog primirja posjetio i Bosnu i Hercegovinu. Naime, podstaknut ignoriranjem ove Rezolucije od zemalja članica Vijeća sigurnosti UN-a, Lord Bates je 22. aprila 2011. započeo Šetnju za primirje krenuvši sa planine Olimp u Grčkoj prema Londonu, gdje će se 2012. održati XXX Ljetne olimpijske igre i mjesec dana kasnije XIV Ljetne Paraolimpijske igre. Na svom putu do Londona obišao je sedamnaest zemalja, razgovarao je i razgovarati će sa predstavnicima vlasti i olimpijskih komiteta u tim zemljama, te tako utjecati na podizanje svijesti o miru u svijetu i značaju Rezolucije UN-a 48/11. Lord Bates se planira vratiti u London do početka ceremonije otvaranja Ljetnih olimpijskih igara u julu 2012. godine.



Istakao je još i da je prvi i jedini put Rezolucija 48/11 implementirana 1994. godine za vrijeme Zimskih olimpijskih igara u norveškom Lillehameru. Tada je, zahvaljujući olimpijskom primirju, usprkos potpunoj opsadi Sarajeva dostavljena pomoć djeci ovoga grada i tadašnji predsjednik Međunarodnog olimpijskog komiteta Juan Antonio Samaranch prekinuo je Igre i posebnim transportnim avionom došao u Sarajevo iskazati svoju podršku. Britanski lord Bates je izrazio nadu da će inicijativa „Šetnja za primirje“ potaknuti prevazilaženje posljedica proisteklih iz ratova, kao što su podijeljenost u društvu, nedostatak tolerancije i povjerenja među narodima.

ZANIMLJIVO:



PLAN RADA JAVNE DEBATE



British Embassy
Sarajevo

- 11.30 – 11.45 – Dolazak učesnika
- 12.00 – 12.10 – Pozdravna riječ Organizatora
- 12.10 – 12.15 – Pozdravna riječ u ime Ambasade Velike Britanije u BiH
- 12.15 – 12.30 – Najava gostiju i obraćanje gostiju
- 12.30 – 12.32 – Uvod u javne govore i najava skupa
- 12.32 – 12.37 – Javni govor “Historijat Olimpijskih igara” (za i protiv)
- 12.37 – 12.40 – Najava drugog govora
- 12.40 – 12.45 – Javni govor “Historijat Paraolimpijskih igara” (za i protiv)
- 12.45 – 12.50 – Najava Debate i predstavljanje učesnika
- 12.50 – 13.55 – Debata: “Paraolimpijske igre – jednake šanse za sve ili patnja”
- 13.55 – 14.55 – Diskusija – Plenarno svi učesnici Javne debate
- 14.55 – 15.15 – Odluka publike i sudija o pobjedniku debate i izbor najboljeg debatanta
- 15.15 – 16.00 – Svečana dodjela Diploma školama koje su se odazvale pozivu i učestvovalе u radu javne debate i zatvaranje Događaja
- 16.00 – 16.30 – Osvježenje i zakuska



JAVNA DEBATA

“U SUSRET OLIMPIJSKIM I PARAOLIMPIJSKIM IGRAMA U LONDONU”



British Embassy
Sarajevo



PARAOLIMPIJSKE IGRE – JEDNAKE ŠANSE ZA SVE ILI PATNJA



SARAJEVO, 21. MAJ 2012.



Sport like
never
before





Ovako je sve izgledalo 1896. u Atini

06.04. – 15.04.1896.

241 sportaš

9 sportova



Poster Igara 1896.



Važno je sudjelovati, a ne pobijediti

Ethelbert Talbot

12 godina kasnije na 4. olimpijskim igrama 1908. u LONDONU

27.04. – 31.10.1908.

2035 sportaša

22 sporta



Poster Igara 1908.





**14. LJETNE OLIMPIJSKE
IGRE ODRŽANE SU 1948.
GODINE U LONDONU**

**29.07. – 14.08.1948.
4099 sportista
17 sportova**



Poster Igara 1948.



**36 GODINA KASNIJE 14. ZIMSKE
OLIMPIJSKE IGRE ODRŽANE SU
U SARAJEVU 1984.**



**08.02. – 19.02.1984.
1272 sportista
6 sportova**



Poster Igara 1984.





PARAOLIMPIJSKE IGRE



**OD RIMA 1960. – 400 SPORTISTA
IZ 23 ZEMLJE, PREKO VELIKE
BRITANIJE 1984. – 1.100
SPORTISTA IZ 41 ZEMLJE DO
LONDONA 2012. - 4200
SPORTISTA IZ 160 DRŽAVA**

**64 GODINE OD POSLJEDNJIH IGARA U
LONDONU, KAO I 28 GODINA OD IGARA U
SARAJEVU I PARAOLIMPIJSKIH IGARA U
VELIKOJ BRITANIJI, SVI OLIMPIJSKI
PUTEVI VODE PONOVO U LONDON NA 30.
OLIMPIJSKE IGRE I 14. PARAOLIMPIJSKE
IGRE**



**OLIMPIJSKE IGRE
27.07. – 12.08.2012.
10.500 SPORTISTA
26 SPORTOVA**

**PARAOLIMPIJSKE IGRE
29.08. – 09.09.2012.
4.200 SPORTISTA
160 ZEMLJE**



JAVNA DEBATA

**"U SUSRET OLIMPIJSKIM I PARAOLIMPIJSKIM
IGRAMA U LONDONU"**



SARAJEVO, 21. MAJ 2012.



CENTAR ZA KULTURU DIJALOGA
Augusta Brauna 6
71 000 Sarajevo
Tel: +387 33 203 668
Fax: +387 33 208 370
E-mail: izvjestaji.ckd@gmail.com
Web: www.ckdbih.com



POSJETITE NAS NA

www.ckdbih.com